


Bawhte ihkhun tung le a pang i ahleivuang saumi kha 8mm nak sauter lo ding



Bawhte ihkhun pang/aki le ihphah kar a lawnnak 20mm nak kauhter lo ding

A kam (pang) a varmi cu 50mm in 95mm tiang lawng siding

Bawhte ihkhun ah hrih khawhmi ke cu kehnih lawngah umding asiloah atlawmbik ke hnih ah dirtarnak (brik) umding

Bawhte ihphahtang phahmi a chah atlawmbik 600mm siding

Tangphah cung phahmi ihphah a chah atlawmbik 500mm siding

A himmi ngakchia/bawhte thilri pawl le ihkhun kong tamdeuh zoh khawhnak: www.productsafety.gov.au

Cherhchan: Himtein bawhte zohkhenhnak. Australian Competition and Consumer Commission, Dickson ACT, 2006

ZAANGFAHNAK IN CHEK: ✓ ttialning he aa khat/aa lo ✗ ttialningin a si lo N/A pehtlaihnak a um lo

- Bawhte cu a thakkadalin ih ter i a lu le hmai khuh lo ding (hri ngeimi luchin, lukhuh, le angki le luchin pehmi thil huk lo ding).
- Thlalawngka zar hri, innka zar hri, lektrik thilri le mobile battery rawnnak hri pawl kha ngakchia nih a ihkhun in a dawh le phanh khawhlonak ah chiah le fim ding.
- Luanlak in linhnak khamnak caah meipung le lektrik thilri pawl kha bawhte ihkhun in a hlatnak ah chiah ding. Lettrik puan hman lo ding.
- Bawhte ihkhun (a thar asiloah midang hman ciami) cu Australia Himnak Tahfung - Australian Safety Standards (AS 2172) a tlingmi lawng hman ding.
- Cawithliar khawhmi (khuatlawnnak ah ken khawhmi tibantuk) bawhte ihkhun cu Australia Himnak Tahfung - Australian Safety Standards (AS 2172) a tlingmi lawng hman ding.
- Bawhte a pawng um lo le zoh lo caan paohah a cawl le lei khomi a ihnak/ihkhun kha fektein hrenh ding.
- Ihphah kha a fek le aa rengmi, a thiangmi, ihkhun he aa tawkmi le aa ngemi (a bingbo lomi le aa bil lomi) hman i ihphah le ihkhun pang karlak ah 20mm leng lawn ter lo ding.
- Ihphah na hman hlanah a tuamnak palasattik phoih ding.
- Ihnak ser tikah bawhte ke kha ihkhun kelei pha ding in ser ding.
- Bawhte a ihphah kha aa rengtein khuh i a ihkhun chungah puanbu, babucawng, ihkhun tuamnak, tuhmul asiloah a nemmi lentecelhnak tehna chiah lo ding.

Nulepa hna he iruahding pawl

A chuakka in a thalkadalin ih ter, bawktakhup asiloah a sirlei in ih ter hlah

- A ngandammi bawhte a thakkadalin ihermi cu a bawktakhupin ihermi bawhte nak in an ihak khawhnak a tlawmdeuh
- Bawhte a bawktakhupin asiloah a sirleiin a itmi nih ruahlo le zawtlo in thihnak an ton khawh deuh
- Bawhte an i hlauh lio le an pawng upa pakhatkhat umlio ah paw in bawh i lencecelh cu a himmi a si
- A upa deuhmi bawhte pawl cu an mah tein an khel an i let kho i an ihkhun cungah an i thial kho. An thalkadakin iher hna sihmanhsehlaw an mah le siaremning khan an khel i let ko hna sehlah an bawktakhupin an ih sualah tihnung lo ding in an ihkhun le pawngkam kha tuah piak. Ngakchia thla ruk in acunglei caah cun Sudden Infant Death Syndrome (SIDS) timi Ruahlo le Zawtlo in Bawhte Thih Colhnak an tonding kha atlawm tuk.

Bawhte an ih tikah an lu le hmai khup hna hlah

- An lu a khup khomi thil paohpaoh, luchin, hri ngeimi lukhuh, angki he aapehmi luchin tibantuk pawl kha bawhte na ih ter hlanah phoihiak hna
- Bawhte a ke kha a ihkhun tawlei ah chia
- A ihphah khuh le puan pawl an i lonnak hnga lo fek le reng tein ihphah tangah nawhiak hna, asiloah a himmi nau ihnak bawm (sleeping bag) hmgang.

Nau a chuah hlan le chuah hnuah kuakzuklonak pawngkam serpiak

- Nulepa kuak a zumi an si ahcun SIDS timi Ruahlo le Zawtlo in Bawhte Thih Colhnak a can khawhnak a tamdeuh, mah kha naupawi lio zuk le hrin hnu zuk ca he a si
- A nu kuak a zuk ahcun SIDS timi Ruahlo le Zawtlo in Bawhte Thih Colhnak a can khawhnak a let in a kai i a pa a zuk zongah a let in a kai thiamthiam.

Chun he zan he a Himmi Ihnak Hmunhna serpiak. Mah a Himmi Ihnak Chekding caah a biapimi tuahding pawl

- Ihnak a nemmi, bianaah ihphah a nemmi asiloah puanbu bilmi, chantling, tthutdan cung chiahi chantling le tuhumul tehna kha ihphah ai ah hmanding a si lo
- Sofa tthutdan cung, tthutdan, ti ihphah asiloah pemu rawnmi bawm/tthutdan cung tehna ah na fa ih ter hlah asiloah ih pi hlah. Ihnak ah khawndennak a chuah khawhnak a tamdeuh tuk
- Cawithliar khawhmi bawhte ihkhun pawl:
 - Ihkhun ah aa tel chihmi ihphah kha hmgang (AS2195)
 - Ihkhun ah aa tel chihmi ihphah leng khan adang phah chap hlah asiloah puan bilmi tehna hmgang chap hlah
 - Cawithliar khawhmi bawhte ihkhun cu khaulawlawn caan tibantuk ah chikhat hmanding ca lawngah sermi a si i caan-sau le a zungzal ihnak caah hmanding a si lo
 - Bawhte ihnak bawm (bassinet) cu caan tawi ca lawngah hmanding a si. Bawhte a vun cawlcangh le aa mer khawh khan cun a himmi bawhte ihkhun ah chiahe le ih ter kha a ttha bik.

- Aa hnin khomi nau tthutnak, oihsak le nau namnak leng tehna kha upa nih zoh lo in an ihnak ah hmanding a si lo i hmantik ah a chung ummi taisawm pawl kha tthatein na sawmh hna lai
- Hri khatlei le khatlei in thlai i ih le zaunak puan (hammocks) cu tihnungmi a si i bawhte caah a himmi ihnak tiah ruahding a si lo
- Bawhte le ngakchianomi hna kha zoh lo in an mah lawng upa ihnak asiloah ihkhun dothnih cung tehna ihernak nih an ikhawnden khawhning a kai ter.

Bawhte a chuahka in thla ruk in thla hleihnih a tlin tiang cu a zohkhenhtu upa he khan khat ah a mah Ihnak Himmi chiahiak in ih ter

- Bawhte he ihkhun khat ah ih ttinak nih SIDS timi Ruahlo le Zawtlo in Bawhte Thih Colhnak le thihnak tiang a phami khawndennak a chuah khawhnak a karh ter
- Nulepa ihkhun pawngah bawhte ihkhun chiahiak in thla ruk in thla hleihnih a tling tiang ihernak nih SIDS timi Ruahlo le Zawtlo in Bawhte Thih Colhnak a tlawmterdeuh kha hmuh a si
- Nulepa ih hlanah bawhte kha a ihnak ah thial ta paoh ahcun ihkhun cung i hnukdin, ikuh le lencecelhnak nih SIDS timi Ruahlo le Zawtlo in Bawhte Thih Colhnak a chuahternak a karh ter lo tiah hmuh a si
- SIDS timi Ruahlo le Zawtlo in Bawhte Thih Colhnak le ihkhun ihrawmnak in khawndenak a tong kho deuhmi bawhte hna cu thla li tang a simi le thla tling lo in a chuakmi bawhte pawl an si.

A si khawh ahcun na hnuk din

- Nu hnuk dinhnak nih SIDS timi Ruahlo le Zawtlo in Bawhte Thih Colhnak a zorter kha hmuh a si

Zohkhenhtu le nauzohtu pawl

- Zohkhenhtu le nauzohtu pawl nih SIDS timi Ruahlo le Zawtlo in Bawhte Thih Colhnak khamnak caah tuah a herh le a thami pawl an hngalh a herh i bawhte le ngakchia no pawl caah zeitindah a himmi ihnak hmun serpiak an si ti zong an thiam a herh. Mah ahkhan pilepu, chungkhar nauzohtu tuahnak, ngakchia no pawl cawnpiaaktu, nau umhnak, chungkhar le hawikom hna an inn tehna zong aatel.

Nawl petu:

Department of Education and Training (Fimcawn le Tinttan Peknak Zohtu Zung)

August 2017 ah zohtthan le remh a si

Santlaimi pehtlainak pawl

Toy & Nursery Safety Line (Lencecelhnak le Ngakchia Thilri Pawl Himnnak Kong Halnak) 1300 364 894
www.consumer.vic.gov.au

Maternal and Child Health Line
(Nu le Ngakchia Ngandamnak Kong Halnak) 132229
www.education.vic.gov.au/childhood/parents/mch/

Red Nose nih chuahmi bawhte himnak kong pawl cu
www.rednose.com.au ah rel asiloah Red Nose Fimcawnnak kha 1300 998 698 ah chawn.

red nose
saving little lives